

平等機會委員會
本港大學生性騷擾調查研究報告
宣傳品

《性別歧視條例》

性騷擾的定義：

針對個別人士的性騷擾：有人向你做出與性相關的行為，你不歡迎這些行為，而一名合理的人在顧及所有情況後，亦應預期你會感到受冒犯、侮辱或威嚇。

例子：

- 在你不願意的情況下，同學對你作出親密的行為，如摸大牌、攬腰或挨近你。
- 同學用手機向你發放色情訊息，想你做他的性伴侶。
- 講師向你提出性要求，暗示有助你獲得獎學金。

營造性騷擾的環境：有人做出與性相關的行為，而這個行為雖然不是針對你本人，卻對你造成一個有敵意或具威嚇性的環境。

例子：

- 在迎新營中，同學在你面前玩的遊戲涉及不恰當的身體接觸。
- 在同學的短訊群組中，有人分享色情短片。
- 小組討論時，幾名同學在你面前講鹹濕笑話，令你不自在。

適用範疇：

性騷擾的條文適用於教育、僱傭、服務提供等特定公共範疇。例如，法例禁止：

- 同學之間的性騷擾；
- 大學教職員與學生之間的性騷擾；
- 運動教練與學生之間的性騷擾；
- 大學職員(包括學生作為兼職員工) 與其他職員之間的性騷擾。

研究報告概要：

本研究共有 9 間本港大學參與，14,442 位學生完成網上問卷調查。此外，13 位大學代表參與焦點小組討論，及 28 位學生在深入訪談中講述了遭性騷擾的經歷。

有關大學生遭性騷擾的普遍程度：

4 名大學生中有 1 人 (23%) 曾在 2016-17 年度遭性騷擾。若按性別劃分，27% 的女學生曾被性騷擾，18.4% 的男學生曾被性騷擾。

曾被性騷擾的學生中：

72.7% 表示被大學的同學性騷擾，
7.2% 表示被其他大學的學生性騷擾，

4.4%表示被講師或教授性騷擾，
4.4%表示被非教學職員性騷擾。

學生不向校方舉報性騷擾事件的原因：

20.7%表示不知道事件是否屬於性騷擾
11.2%表示擔心投訴機制無效或過程冗長
10.6%表示不想破壞與騷擾者的關係
8.7%表示不知道投訴渠道
7.2%表示害怕遭騷擾者報復

學生對性騷擾政策的認知：

58.6%學生表示不知道就讀的大學有反性騷擾政策，向大學投訴的受害者只有 2.5%。

大學生性騷擾個案 (取錄自平機會本港大學生性騷擾調查研究報告)：

個案 1: 有個男仔係大隻啲嘅……佢(女同學)就會摸佢個胸話：「胸肌啊，好勁啊！」……可能始終因為性別定型，男仔就唔會覺得係性騷擾。

個案 2: 嗰次 present 完，其實我都係普通著 suit，嗰個男 professor 話：「可能你下次著少啲，可能都會俾高分啲你呢……」其實我就覺得好唔舒服……

個案 3: (運動訓練後，我與其他隊的男同學一起坐的士) 佢喺的士上面，無啦啦摸我個胸……佢話：「咦！點解你突然之間個胸大咗咁多嘅！」我即刻撥開佢隻手，我話你做乜嘢呀，我話你唔好咁啱……

學生分享 (取錄自平機會本港大學生性騷擾調查研究報告)：

- 一名女本科生的分享。「永遠都會有啲同學鍾意講一啲涉及性嘅話題……譬如會問：『你係咪處女啊？你做咗未啊？你用唔用(安全套)㗎？』……佢哋有時會鍾意問啲咁嘅問題，佢哋覺得係趣味……」
- 一名女本科生的分享。「(半夜 WhatsApp)佢直頭講到出口話好需要(性)囉……佢話：『你幫吓我啦……你見(係)朋友就幫吓我啦，我真係好需要(性)……』同埋佢話識咗咁多年都唔驚啦……」
- 一名女本科生的分享。「我參加咗一個 business 創業比賽……(受訪者組別的導師來自創業公司，他邀約受訪者於咖啡店見面)佢一坐低就講埋啲好奇怪嘅嘢，佢會無啦啦捉住我隻手，我梗係掙開……我話錄緊音呀……佢即刻收斂咗好多……後來佢話送我走，一路行……摸我頭髮到背脊，我問佢做咩，佢話『以為你外國鬼妹仔性格』……」
- 一名男本科生的分享。「我哋大學生俗稱出 pool(離開單身圈)……可能佢哋(大學生)會覺得……有性方面嘅一啲少少嘅身體接觸或者刺激，喺可以盡快令佢哋(大學生)出到 pool，搵到佢哋心儀嘅對象」

- 一名女本科生的分享。「試過最不安嘅係佢(女騷擾者)無啦啦攞住我，我推開佢隻手，但佢都係咁攞住我。試過一次最恐怖嘅就係，佢攞住我隻手放喺佢大牌之後向上拉，係咁樣拉到上去佢大牌內側……」
- 一名性別是其他的本科生的分享。「我覺得身邊嘅人對女性有些看法。啲人成日講女仔唔想，其實好想，成日以為啲女仔有表示過好，事後又否認，尤其是男性認為女仔係心口不一。」
- 一名女本科生的分享。「我好記得有個男仔笑我話：『有冇搞錯呀，你係咪講笑呀，點會有人肯非禮你！』我講咗出嚟你又唔信……其實我係驚，所以想搵同學講……聽到呢啲講法，都唔知好唔好同人講……我都有諗係咪自己諗多咗呢……係咪自己太大反應呢？」
- 一名女本科生的分享。「夜晚除咗嗰男仔條褲，跟住攞打火機燒佢個度(下體)，但係玩吓啫 唔係真係燒嘅，跟住如果你喊或者話唔好，啲人會話，嘩！乜你咁小器㗎。」